



XUNTA DE GALICIA
CONSELLERÍA DO MEDIO RURAL



GOBIERNO
DE ESPAÑA

MINISTERIO
DE AGRICULTURA, PESCA
Y ALIMENTACIÓN



Fondo Europeo Agrícola
de Desenvolvemento Rural:
Europa inviste no rural

PDR 2014_2020 DE GALICIA

PROGRAMA DE DESENVOLVEMENTO RURAL

Medida 13

Pagos a zonas con limitacións naturais ou outras limitacións específicas

Submedida 13.1

Pago de compensación en zonas de montaña



Índice

<u>1.</u>	<u>Medida 13. Pagos a zonas con limitacións naturais ou outras limitacións específicas</u>	2
<u>1.1.</u>	<u>Submedida 13.1 Pago de compensación en zonas de montaña</u>	2
<u>1.1.1.</u>	<u>Que tipo de actuacións se financian?</u>	2
<u>1.1.2.</u>	<u>Quen pode solicitar esta axuda?</u>	3
<u>1.1.3.</u>	<u>Como se outorga a axuda?</u>	3
<u>1.1.4.</u>	<u>Que tipo de gastos se financian?</u>	3
<u>1.1.5.</u>	<u>Que requisitos se han de cumprir para recibir a axuda?</u>	4
<u>1.1.6.</u>	<u>A canto ascende esta axuda?</u>	4
<u>1.1.7.</u>	<u>Quen xestiona esta axuda?</u>	4
<u>1.1.8.</u>	<u>Marco normativo</u>	4
<u>1.1.9.</u>	<u>Documentos e ligazóns relacionados</u>	5

1. Medida 13. Pagos a zonas con limitacións naturais ou outras limitacións específicas

De acordo cos datos do IGE, o 65 % do territorio defínese como forestal, incluíndo nesta definición tanto monte arborizado, como zonas de matogueira e determinados pastos; o 24 % é agrícola, incluíndo cultivos e determinados prados; e o 11 % restante correspóndese a outras superficies, que agrupa a correntes, baldíos e zonas urbanas, basicamente. Por outra banda, un total de 537.765,08 ha de SAU atópanse en municipios designados como zonas desfavorecidas segundo os criterios establecidos na Directiva 75/268/CEE. Esta cifra equivale ao 83% da SAU de Galicia e axuda a explicar o déficit de competitividade da agricultura galega. É por iso que esta medida ponse en marcha para compensar as devanditas limitacións.

A medida oríéntase á compensación polas perdas de ingresos e custos adicionais provocados polas desvantaxes particulares provocadas polas limitacións de distinta natureza que han de afrontar as explotacións agrarias en zonas de montaña e noutras con dificultades naturais distintas das de montaña.

Establécense dúas submedidas no Programa de Desenvolvemento Rural de Galicia 2014-2020 en función das zonas:

- ✓ Submedida 13.1 Pago de compensación en zonas de montaña
- ✓ Submedida 13.2 Pago de compensación para outras áreas que afrontan limitacións naturais considerables

1.1. Submedida 13.1 Pago de compensación en zonas de montaña

En virtude desta submedida compensarase aos agricultores que desenvolvan a súa actividade en zonas de montaña pola totalidade ou por unha parte dos custos adicionais e das perdas de ingresos derivadas das limitacións para o exercicio da produción agrícola nesas zonas, co fin de fomentar o mantemento da actividade, evitar o abandono de terras, conservar o medio rural e a biodiversidade e apoiar sistemas de agricultura sustentable.

1.1.1. Que tipo de actuacións se financian?

A axuda ofrece pagos anuais aos agricultores das zonas designadas como de montaña para compensarlles pola totalidade ou por unha parte dos custos adicionais e das perdas de ingresos derivadas das limitacións para o exercicio da produción agrícola nesas zonas. Dita compensación permitirá que os agricultores continúen co uso das terras agrícolas, a conservación do medio rural, así como o mantemento e a promoción de sistemas de agricultura sustentable nas zonas afectadas a fin de evitar o abandono de terras e a perda da biodiversidade.

1.1.2. Quen pode solicitar esta axuda?

Os beneficiarios destas axudas deberán axustarse á definición de agricultor activo establecida a nivel nacional. A axuda concederáse aos agricultores non pluriactivos, en función do que recolle o documento achegado como anexo "Documento Xustificativo Agricultor non pluriactivo" incluído neste programa, onde se detalla que os agricultores pluriactivos son un sistema de explotación de acordo co que establece o artigo 31.1 do Regulamento (UE) 1305/2013: "

Á hora de calcular os custos adicionais e as perdas de ingresos, en casos debidamente xustificadas, os EEMM poderán diferenciar o nivel de pago tendo en conta o sistema de explotación". Devandito anexo incluírase na primeira modificación do Marco Nacional de España.

Os agricultores non pluriactivos identificaranse da seguinte maneira:

- ✓ No caso de persoas físicas, serán aqueles que cumpran a condición de agricultor a título principal (ATP) ou explotación prioritaria.
- ✓ No caso de persoas xurídicas ou de agrupacións de persoas físicas ou xurídicas, aqueles que cumpran a condición de explotación prioritaria.

1.1.3. Como se outorga a axuda?

A medida artículase en convocatorias anuais de subvención para compensar aos beneficiarios pola totalidade ou unha parte dos custos adicionais e as perdas de ingresos derivadas das limitacións para o exercicio da produción agrícola nas zonas de montaña.

1.1.4. Que tipo de gastos se financian?

Os gastos subvencionables constitúen unha compensación polos custos adicionais e as perdas de ingresos derivados das limitacións que supón a produción agrícola nas zonas de montaña, expresados en €/ha de superficie indemnizable.

A superficie indemnizable (en base a €/ha) determinarase a partir da superficie agraria útil (SAU) da explotación situada en municipios clasificados como zonas de montaña. Considérase SAU da explotación a situada no termo municipal onde se atopa a explotación ou en municipios adxacentes.

Para o seu cálculo considérase:

- ✓ As superficies forraxeiras só se computarán nas explotacións que cumpran a condición de elixibilidade da carga gandeira.
- ✓ Ás superficies de pastos arbustivos (PR) ou pastos arborizados (PA) aplicaráselles un factor redutor de 0,30.

Teranse en conta un máximo de 100 ha de superficie indemnizable.



1.1.5. Que requisitos se han de cumprir para recibir a axuda?

Será elixible exclusivamente a superficie agraria útil situada en municipios clasificados como zonas de montaña, adscrita a explotacións cun mínimo de 2 ha de superficie indemnizable en zonas de montaña, e considerando que a superficie forraxeira só será elixible en explotacións cunha carga gandeira maior ou igual a 0,7 UGM/ha de SAU forraxeira.

1.1.6. A canto ascende esta axuda?

A axuda tipo será de ata 280 €/ha de superficie indemnizable. O importe da axuda será decrecente, en función da superficie indemnizable, segundo se indica no cadro PAGOS IC MONTAÑA. O importe da axuda nunca excederá de 450 €/ha de SAU, nin se pagará cando o importe sexa inferior a 25 €/ha de SAU. No caso de que os fondos dispoñibles sexan insuficientes para cubrir o pago anual a todos os posibles beneficiarios realizarase un rateo proporcional.

Superficie indemnizable		Coeficiente de redución
Dende	Ata	
0	5	1
5	25	0,75
25	100	0,50
100		0,,00

1.1.7. Quen xestiona esta axuda?

Esta axuda está xestionada pola Subdirección Xeral de Xestión da PAC do Fondo Galego de Garantía Agraria (Fogga) da Consellería do Medio Rural.

1.1.8. Marco normativo

- ✓ Regulamento (UE) N° 1303/2013 do Parlamento Europeo e do Consello, de 17 de decembro de 2013, polo que se establecen disposicións comúns ao FEDER, FSE, Fondo de Cohesión, Feader e FEMP
- ✓ Regulamento (UE) N° 1305/2013 do Parlamento Europeo e do Consello, de 17 de decembro de 2013, relativo á axuda ao desenvolvemento rural a través do Fondo Europeo Agrícola de Desenvolvemento Rural (Feader)
- ✓ Regulamento (UE) N° 1306/2013 do Parlamento Europeo e do Consello, de 17 de decembro de 2013, sobre o financiamento, xestión e seguimento da Política Agrícola Común, no que establecen disposicións relativas á aplicación da condicionalidade
- ✓ Lei 9/2007, do 13 de xuño, de subvencións de Galicia





- ✓ Decreto 11/2009, do 8 de xaneiro, polo que se aproba o regulamento da Lei 9/2007 do 13 de xuño de subvencións de Galicia.
- ✓ Lei 14/2013, do 26 de decembro, de racionalización do sector público autonómico

1.1.9. Documentos e ligazóns relacionados

- ✓ Información sobre o Centro de Recursos Zooxenéticos de Galicia (Consellería do Medio Rural)
http://mediorural.xunta.gal/es/areas/ganaderia/centro_de_recursos_zooxeneticos/
- ✓ Información sobre a PAC 2015-202 (Fondo Galego de Garantía Agraria)
http://fogga.xunta.gal/gl/politica_agraria_comun/pac_2015_2020
- ✓ Nota Técnica N° 03 - Pago para prácticas beneficiosas para o clima e medio ambiente (Ministerio de Agricultura, Pesca y Alimentación)
http://www.mapama.gob.es/es/agricultura/temas/pac/ficha_3_170307_tcm30-379801.pdf
- ✓ Nota Técnica N° 07 - Condicionalidade (Ministerio de Agricultura, Pesca y Alimentación)
http://www.mapama.gob.es/es/agricultura/temas/pac/ficha_7_170307_tcm30-379805.pdf
- ✓ Decálogos da condicionalidade (Fondo Español de Garantía Agraria)
http://www.fega.es/PwfGcp/es/accesos_directos/condicionalidad/Los_decalogos_de_la_condicionalidad.jsp
- ✓ Documentos xerais de cumprimento da condicionalidade (Fondo Español de Garantía Agraria)
http://www.fega.es/PwfGcp/es/accesos_directos/condicionalidad/Documentos_generales_para_el_cumplimiento_y_control_de_la_condicionalidad.jsp
- ✓ Para obter máis información, consulte a sección 8.2.1.3.1 do Programa de Desenvolvemento Rural de Galicia 2014-2020

